



S T A T U T
KOŠARKAŠKOG SAVEZA BOSNE I HERCEGOVINE

Sarajevo, mart 2009. godine

Na osnovu člana 9. 10. i 12. Zakona o udruženjima i fondacijama Bosne i Hercegovine („Službeni glasnik BiH“ br. 32/01, 42/03 i 63/08) i člana 22. Zakona o sportu u Bosni i Hercegovini („Službeni glasnik BiH“ broj 27/08), na osnovu Odluke o dobrovoljnom udruživanju „Košarkaškog saveza Herceg-Bosne“ broj: 98/09 od 23.03.2009. godine, Košarkaškog saveza Republike Srpske broj: 093/09 od 20.03.2009.godine, Košarkaškog saveza Zenica broj:101/09 od 25.03.2009.godine, Košarkaškog saveza Kantona Sarajevo broj:079/09 od 25.03.2009.godine, Regionalnog košarkaškog saveza Tuzla broj: 14/09 od 25. 03.2009.godine, Osnivačka skupština Košarkaškog saveza Bosne i Hercegovine na sjednici 27.03.2009. godine, donijela je

STATUT KOŠARKAŠKOG SAVEZA BOSNE I HERCEGOVINE

I. OPŠTE ODREDBE

Član 1.

Košarkaški savez Bosne i Hercegovine (u daljnjem tekstu: Savez) je osnovan Odlukom o osnivanju Košarkaškog saveza Bosne i Hercegovine, na Osnivačkoj skupštini održanoj 27.03.2009. godine, na osnovu Odluke o dobrovoljnom udruživanju „Košarkaškog saveza Herceg-Bosne“ broj: 98/09 od 23.03.2009. godine, Košarkaškog saveza Republike Srpske broj 93/09 od 20.03.2009.godine, Košarkaškog saveza Zenica broj:101/09 od 25.03.2009.godine, Košarkaškog saveza Kantona Sarajevo broj: 079/09 od 25.03.2009.godine, Regionalnog košarkaškog saveza Tuzla broj:14/09 od 25.03.2009.godine, u skladu sa Zakonom o udruženjima i fondacijama Bosne i Hercegovine i Zakonom o sportu u Bosni i Hercegovini.

Član 2.

Ovim Statutom u skladu sa članom 12. Zakona o udruženjima i fondacijama Bosne i Hercegovine (u daljnjem tekstu: Zakon) uređuje se:

- Naziv, skraćeni naziv i adresa Saveza;
- Ciljevi ,djelatnosti Saveza;
- postupak za primanje i isključivanje članova;
- organi Saveza, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove Skupštinu, uslovi i način raspuštanja, odnosno prestanka rada;

- pravila za ostvarivanje, korištenje i raspolaganje sredstvima Saveza, kao i organ koji je ovlašten za vršenje nadzora nad korištenjem tih sredstava;
- javnost rada Saveza;
- postupak za izmjene i dopune Statuta, ovlaštenje i donošenje drugih opštih akata;
- oblik i sadržaj pečata i znaka Saveza;
- zastupanje i predstavljanje Saveza;
- uslove i postupak za pripajanje, razdvajanje i transformaciju ili raspuštanje odnosno prestanak rada Saveza, uključujući i poseban kvorum i postizanje kvalifikovane većine u postupku glasanja;
- postupak za raspolaganje preostalom imovinom ili sredstvima u slučaju raspuštanja ili prestanka rada Saveza;
- druga pitanja značajna za rad i djelovanje Saveza.

Član 3.

Savez je nevladina, nezavisna, dobrovoljna i vanstranačka organizacija osnovana radi unaprijeđenja i ostvarivanja zajedničkih interesa i ciljeva članova Saveza, u skladu sa Zakonom, a čija svrha nije sticanje dobiti. Savez ne dopušta rasnu, nacionalnu, vjersku, polnu i političku diskriminaciju, te kršenje sloboda i prava čovjeka.

Član 5.

Savez stiče svojstvo pravnog lica danom upisa u Registar udruženja kod nadležnog Ministarstva.

Savez može promjeniti naziv, sjedište i znak, o tome odluku donosi Skupština Saveza.

Član 6.

Savez djeluje na cijelom području Bosne i Hercegovine.

II. NAZIV I SJEDIŠTE SAVEZA

Član 7.

Naziv Saveza je:

KOŠARKAŠKI SAVEZ BOSNE I HERCEGOVINE.



КОШАРКАШКИ САВЕЗ БОСНЕ И ХЕРЦЕГОВИНЕ.
KOŠARKAŠKI SAVEZ BOSNE I HERCEGOVINE.

Skraćeni naziv Saveza je:

KS BiH
КС БиХ.
KS BiH

Naziv Saveza je istovjetan na sva tri jezika koja su u upotrebi u Bosni i Hercegovini, a službena upotreba naziva je na latiničnom i ćiriličnom pismu.

Član 8.

Sjedište Saveza je u Sarajevu, ulica Ćemaluša broj 6/III

III. CILJEVI, DJELATNOST I NADLEŽNOSTI SAVEZA NADLEŽNOSTI

Član 9.

Ciljevi i djelatnost Saveza su:

- razvoj i unaprijeđenje košarkaškog sporta u Bosni i Hercegovini;
- usklađivanje i koordiniranje rada;
- međunarodna sportska saradnja
- saradnja sa odgovarajućim državnim, društvenim, naučnim i stručnim organizacijama i drugim organima i organizacijama na realizaciji zadataka i projekata od zajedničkog interesa.
- donošenje dugoročnih i kratkoročnih programa razvoja košarkaškog sporta u Bosni i Hercegovini,
- zastupanje i predstavljanje u Međunarodnoj košarkaškoj federaciji (FIBA),
- obrazovanje i usavršavanje kadrova / trenera, instruktora, sudija, ;
- donošenje osnova sistema i kalendara takmičenja Saveza i njihova realizacija u saradnji sa udruženim organizacijama;
- organizovanje domaćih i međunarodnih košarkaških takmičenja u Bosni i Hercegovini;
- briga o pripremama kandidata za Olimpijske igre, svjetska i evropska prvenstva i velika regionalna međunarodna takmičenja, kao i o svim državnim reprezentacijama i selekcijama;

Član 10.

Osnovna načela na kojima se organizuje košarkaški sport su:

- prava i sloboda sportista,
- afirmacija duha olimpizma,
- pravo svih građana da se bave košarkaškim sportom pod jednakim uslovima bez obzira na nacionalnu, vjersku, političku, rasnu, socijalnu i spolnu pripadnost,
- sportsko napredovanje i usavršavanje, materijalna i društvena stimulacija za ostvarivanje vrhunskih sportskih rezultata u košarkaškom sportu,
- organizovanje efikasnog sistema stručnog osposobljavanja i usavršavanja stručnih kadrova u košarkaškom sportu,
- obezbjeđivanje zdravstvene zaštite košarkaša i košarkašica i spriječavanje upotrebe nedozvoljenih stimulativnih sredstava,
- stručnost u radu i podsticanje naučno-istraživačkog rada, primjena savremenih metoda rada, informatičke tehnologije i izdavačke djelatnosti,
- pravilo da se svi sporovi između sportista, sportskih organizacija i organa u košarkaškom sportu rješavaju isključivo preko i unutar odgovarajućih sportskih organa i arbitražnih sportskih tijela.

Član 11.

Savez je član: FIBA (Međunarodne košarkaške federacije).

Savez je član Olimpijskog komiteta Bosne i Hercegovine.

Savez se može udruživati i u druge sportske asocijacije pod uslovom da to doprinosi ostvarivanju ciljeva košarkaškog sporta. Odluku o udruživanju donosi Skupština Saveza.

Član 12.

Savez priznaje, prihvata, primjenjuje i pridržava se važećih statuta, pravila i propisa FIBA, kao i svih budućih amandmana važećih akata.

Član 13.

Za nastupanje na međunarodnim košarkaškim takmičenjima formiraju se košarkaške reprezentacije - selekcije u skladu sa međunarodnim sistemom i programom takmičenja.



Član 14.

Pod nastupom za košarkašku reprezentaciju - selekciju Bosne i Hercegovine podrazumijevaju se svi nastupi na međunarodnim susretima reprezentacija, kao i nastupi na Olimpijskim igrama, prvenstvima Svijeta i Evrope, Univerzijadama, Mediteranskim igrama i Balkanskim prvenstvima.

Reprezentativac – član selekcije je dužan da ispunjava sve obaveze iz programa nastupa reprezentacije - selekcije za koju je izabran. U protivnom, podliježe disciplinskoj odgovornosti u skladu sa odgovarajućim aktom.

IV. POSTUPAK ZA PRIMANJE I ISKLJUČENJE ČLANOVA

Član 15.

Članovi Saveza su : „Košarkaški savez Herceg-Bosne ”, Košarkaški savez Republike Srpske , Košarkaški savez Zenica, Košarkaški savez Kantona Sarajevo, Regionalni košarkaški savez Tuzla.

Djelovanje članova je na prostoru koji korespondira sa teritorijom entiteta.

Član 16.

Članovi Saveza imaju jednaka prava da:

- preko svojih predstavnika aktivno učestvuju u radu i odlučivanju u svim organima i tijelima Saveza;
- njihovi predstavnici biraju i budu birani u organe i tijela Saveza;
- aktivno učestvuju u utvrđivanju programa i plana rada Saveza, i učestvuju u njihovoj realizaciji;
- ostvaruju međunarodnu saradnju u skladu sa programom međunarodne saradnje Saveza, uvažavajući i pravo na posebne odnose sa regionalnim košarkaškim asocijacijama u skladu sa FIBA propisima i ostvaruju zaštitu svojih prava.

Član 17.

Članovi Saveza su obavezni da:

- poštuju Statut, pravilnike i odluke Saveza;

- čuvaju ugled Saveza;
- učestvuju u postupku odlučivanja , izbora i opoziva;
- poštuju akta , odredbe i odluke FIBA, kao i da poštuju i primjenjuju zvanična pravila igre usvojena i objavljena od strane FIBA;
- izbjegavaju bilo kakvu diskriminaciju, stvaranje i favorizovanje bilo kakvih udruživanja, koja ugrožavaju jedinstvo košarkaškog sporta u Bosni i Hercegovini;
- poštuju principe fer-pleja i dosljedno ih se pridržavaju u svom djelovanju;
- čine sve da onemoguće bilo kakvu rasnu, političku, vjersku ili polnu diskriminaciju i spriječe favorizovanje interesa bilo koje sredine na štetu opštih interesa u košarkaškom sportu u cijelini,
- sprečavaju upotrebu nedozvoljenih stimulativnih sredstava;
- obezbjeđuju adekvatnu zdravstvenu zaštitu sportista;
- osiguravaju bezbjednost učesnika u takmičenju;
- obezbjeđuju stručno obrazovanje i usavršavanje;
- respektuju i promovišu interese Saveza.

Član 18.

Članstvo u Savezu prestaje:

1. dobrovoljnim istupanjem člana Saveza;
2. zbog nepridržavanja odredbi Statuta, pravilnika i odluka Saveza.
3. gubljenjem svojstva pravnog lica člana Saveza;
4. prestankom rada Saveza.

Član 19.

Odluke o prestanku članstva u Savezu donose se u skladu sa Članom 20. ovog statuta.

Član Saveza može povući svoje članstvo iz Saveza po vlastitoj volji na kraju finansijske godine pod uslovom da je to najavio kancelariji Saveza najkasnije tri mjeseca prije isteka finansijske godine.

Povlačenje se najavljuje pismeno preporučenom poštom na adresu kancelarije Saveza.

Član Saveza mora izmiriti svoje finansijske obaveze preme Savezu prije nego što se povuče.



Član 20.

Član Saveza, koji djeluje suprotno odredbama ovog Statuta, ne izvršava svoje obaveze ili svojim postupcima narušava ugled Saveza može biti isključen iz Saveza.

Prije donošenja odluke o isključenju, član Saveza mora biti pismeno obaviješten o prijedlogu za isključenje, kao i razlozima zbog kojih se predlaže isključenje.

Odluku o prestanku svojstva člana Saveza donosi Upravni odbor Saveza.

Član koji je nezadovoljan odlukom iz predhodnog stava, može uložiti prigovor Skupštini Saveza u roku od 15 dana od dana prijema obavijesti.

Odluka Skupštine po žalbi je konačna.

V. ORGANI SAVEZA

Član 21.

Organi Saveza su:

1. Skupština Saveza,
2. Upravni odbor Saveza,
3. Nadzorni odbor

1. Skupština

Član 22.

Skupština KS BiH (u daljnjem tekstu: Savez) je najviši organ Saveza.

Članovi Saveza učestvuju u upravljanju i odlučivanju o poslovima Saveza putem svojih predstavnika u Skupštini.

Član 23.

- Skupštinu Saveza čine članovi birani iz Košarkaškog saveza Herceg-Bosne, Košarkaškog saveza Republike Srpske, Košarkaškog saveza Kantona Sarajevo, Košarkaškog saveza Zenica i Regionalnog košarkaškog saveza Tuzla.

Skupštinu Saveza čini 30 članova, i to:

- 10 (deset) članova iz Košarkaškog saveza Herceg-Bosne,
- 10 (deset) članova iz Košarkaškog saveza Republike Srpske ,

- 4 (četiri) člana iz Košarkaškog saveza Kantona Sarajevo, i po
- 3 (tri) 3 člana iz Košarkaškog saveza Zenica i Regionalnog košarkaškog saveza Tuzla.

Član 24.

Skupština ima ovlaštenja da :

- Donosi, mjenja i dopunjava Statut Saveza i drugih akata određenih Statutom;
- usvaja i donosi Poslovnik o radu Skupštine Saveza;
- razmatra i odobrava finansijske planove i izvještaje o finansijskom poslovanju Saveza;
- bira i razrješava članove Upravnog odbora Saveza;
- bira i razrješava predsjednika i dva potpredsjednika Saveza i generalnog sekretara ;
- bira i razrješava predsjednika i dva potpredsjednika Skupštine;
- donosi odluku o promjeni naziva, sjedišta i znaka Saveza;
- razmatra i usvaja izvještaje, koje je pripremio Upravni odbor Saveza;
- donosi odluku o pripajanju, razdvajanju, transformaciji, raspuštanju i prestanku rada, kao i drugim statusnim promjenama Saveza;
- donosi odluku o imenovanju lica za zastupanje i predstavljanje Saveza;
- bira i razrješava članove Nadzornog odbora Saveza;
- donosi odluke o zahtjevima članova Saveza u drugom stepenu;
- donosi odluku o visini godišnje članarine;
- obavlja i druge poslove koji nisu u nadležnosti drugih organa Saveza u skladu sa zakonom, ovim statutom i drugim aktima Saveza.

Član 25.

Redovne sjednice Skupštine održavaju se svakih 12 (dvanaest) mjeseci, po pravilu do kraja aprila.

Skupština ima predsjednika i dva potpredsjednika, koje bira Skupština na mandatni period od četiri godine, sa mogućnošću ponovnog izbora.

Predsjednik Skupštine je dužan sazvati Skupštinu :

po svojoj ocjeni,
na zahtjev Upravnog odbora,
na zahtjev jednog od člana Saveza,
na zahtjev 10 članova Skupštine.

Članovi Skupštine obavještavaju se o dnevnom redu najmanje 30 (trideset) dana prije održavanja sjednice.

Prijedlozi za izmjenu i dopunu normativnih akata Saveza koje donosi Skupština moraju biti dostavljeni članovima Skupštine Saveza najkasnije 15 (petnaest) dana prije održavanja sjednice.

Član 26.

Skupština bira zapisničara na početku rada sjednice koji vodi zapisnik. Zapisnik mora da odražava bitan tok rada i suštinu svih odluka i stavova Skupštine.

Predsjednik Skupštine :

- stara se o organizovanju Skupštine i saziva njene sjednice;
- predlaže dnevni red sjednice;
- predsjedava sjednicama Skupštine;
- Potpisuje akte donesene na Skupštini;
- stara se o izvršenju odluka, zaključaka i drugih akata Skupštine;
- vrši i druge poslove koje mu odredi Skupština u skladu sa Zakonom i ovim statutom.

U slučaju odsutnosti ili spriječenosti predsjednika, mijenja ga jedan od potpredsjednika Skupštine.

Član 27.

Vanrednu sjednicu Skupštine saziva predsjednik Saveza:

- po svojoj ocjeni, a uz saglasnost dva potpredsjednika,
- na zahtjev Upravnog odbora Saveza,
- na zahtjev 10 članova Skupštine,
- na zahtjev Nadzornog odbora.

Član 28.

Izborna sjednica Skupštine je svake četiri godine.

Mandat članova Skupštine traje 4 (četiri) godine.

Član 29.

Članu Skupštine mandat može prestati i prije vremena na koji je izabran:

- opozivom,
- ostavkom,
- nastankom okolnosti usljed kojih nije u mogućnosti da obavlja svoju dužnost.

Članu Skupštine, izabranom na mjesto člana, kojem je prestao mandat u skladu sa stavom 1. ovog člana, mandat traje do isteka mandata Skupštine Saveza istog saziva.

Član 30.

Kvorum Skupštine čini natpolovična većina svih članova Skupštine.

Skupština odlučuje nadpolovičnom većinom prisutnih članova, pod uslovom da za prijedlog glasaju najmanje 3 (tri) člana iz Košarkaškog saveza Herceg-Bosne, 3 (tri) člana iz Košarkaškog saveza Republike Srpske i po 1 (jedan) član iz : Košarkaškog saveza Zenica, Košarkaškog saveza Kantona Sarajevo i Regionalnog košarkaškog saveza Tuzla.

O Statutu i njegovim izmjenama i dopunama, prestanku rada Saveza i transformaciji Saveza Skupština odlučuje 2/3 većinom prisutnih članova, pod uslovom da za prijedlog glasaju najmanje 6 (šest) delegata iz : Košarkaškog saveza Herceg Bosne i Košarkaškog saveza Republike Srpske, i po 2 (dva) delegata iz: Košarkaškog saveza Zenica, Košarkaškog saveza Kantona Sarajevo i Regionalnog košarkaškog saveza Tuzla.

Način rada Skupštine uređuje se Poslovníkom o radu Skupštine.

2. Upravni odbor

Član 31.

Upravni odbor Saveza (u daljnjem tekstu: Upravni odbor) rukovodi radom Saveza u skladu sa Statutom i drugim opštim aktima Saveza.

Članovi Upravnog odbora ne moraju biti i članovi Skupštine.

Upravni odbor za svoj rad odgovara Skupštini.

Upravni odbor ima predsjednika i dva potpredsjednika i šest članova Upravnog odbora.

Predsjednik i potpredsjednici se rotiraju svakih 16 mjeseci.

Članovi Upravnog odbora se biraju na prijedlog članova Saveza i to:

- 3 iz Košarkaškog saveza Herceg-Bosne,

- 3 iz Košarkaškog saveza Republike Srpske, i po
- 3 iz Košarkaškog saveza Zenica, Košarkaškog saveza Kantona Sarajevo i Regionalnog košarkaškog saveza Tuzla

Članove Upravnog odbora bira i razrješava Skupština na mandatni period od 4 (četiri) godine sa mogućnošću ponovnog izbora.

Član 32.

Članu Upravnog odbora može prestati mandat i prije vremena na koji je izabran:

- opozivom od strane člana Saveza koji ga je predložio,
- suspenzijom od strane Skupštine ili Upravnog odbora,
- ostavkom,
- nastankom okolnosti usljed kojih nije u mogućnosti obavljati svoju dužnost.

Članu Upravnog odbora izabranom na mjestu člana, kojem je prestao mandat u skladu sa stavom 1. ovog člana, mandat traje do isteka mandata Upravnog odbora istog saziva.

Član 33.

Upravni odbor je nadležan da:

- rukovodi radom Saveza,
- utvrđuje programe i planove,
- utvrđuje prijedlog Statuta Saveza i drugih opštih akata koje donosi Skupština,
- obezbjeđuje provođenje finansijskog plana Saveza i odlučuje o rasporedu i korištenju sredstava prema finansijskom planu,
- upravlja imovinom Saveza,
- određuje naredbodavca i utvrđuje ovlaštenja za finansijsko poslovanje,
- utvrđuje politiku međunarodne sportske saradnje i program međunarodnih takmičenja,
- predlaže Skupštini kandidate za predstavnike Saveza u domaćim i međunarodnim sportskim organizacijama i utvrđuje, u okviru usvojene međunarodne politike, stavove Saveza i sastav delegacije na kongresima i drugim zasjedanjima asocijacija čiji je član,

- imenuje rukovodioca i rukovodstvo košarkaških reprezentacija Bosne i Hercegovine za pojedina međunarodna takmičenja i razmatra izvještaje sa tih takmičenja,
- donosi pravilnike: o organizaciji i sistematizaciji radnih mjesta u stručnoj službi Saveza, o disciplinskoj i materijalnoj odgovornosti, o nagradama i priznanjima Saveza i druge opšte akte Saveza iz svoje nadležnosti,
- odlučuje o organizaciji i načinu obavljanja stručnih i administrativno-tehničkih poslova za potrebe Saveza,
- odlučuje o sistemu, kalendaru i propozicijama takmičenja za sve uzrasne kategorije prvenstva i Kupa-a Bosne i Hercegovine,
- osniva stalna i povremena radna tijela – komisije i potvrđuje im program rada,
- imenuje i razrješava predsjednike i članove stalnih i privremenih komisija i radnih tijela,
- donosi Pravila i propozicije organizovanja i provođenja prvenstvenih takmičenja Saveza,
- predlaže Skupštini donošenje srednjoročnog plana i programa razvoja,
- donosi odluke o dodjeli priznanja, pohvala i nagrada,
- donosi Poslovnik o radu Upravnog odbora Saveza,
- daje tumačenja opštih akata Saveza,
- bira i razrješava direktore i trenere državnih selekcija,
- odlučuje i o drugim pitanjima u skladu sa zakonom i ovim Statutom i koja mu u nadležnost stavi Skupština Saveza,
- rješava po zahtjevima članova u prvom stepenu;
- u skladu sa FIBA propisima i standardima stara se o politici razvoja i unaprijeđenja trenerskog i sudijskog kadra,
- priprema sjednice Skupštine,
- priprema i podnosi izvještaj o svom radu Skupštini.

Član 34.

Upravni odbor radi u sjednicama i u skladu sa Poslovnikom o radu.

Radom sjednice Upravnog odbora rukovodi predsjednik Upravnog odbora, a u slučaju njegove odsutnosti ili spriječenosti, jedan od potpredsjednika. Sjednice Upravnog odbora održavaju se po potrebi, a najmanje jednom u tri mjeseca.

Sjednice Upravnog odbora saziva predsjednik:

- po sopstvenoj ocjeni a uz saglasnost dva potpredsjednika;
- na zahtjev neke od članova saveza;
- na zahtjev najmanje 1/3 članova Upravnog odbora.

Član 35.

Kvorum Upravnog odbora je natpolovična većina svih članova Upravnog odbora.

Upravni odbor donosi odluke natpolovičnom većinom ukupnog broja prisutnih članova, pod uslovom da za prijedlog glasaju najmanje po 2 delegata iz Košarkaškog saveza Herceg-Bosne i Košarkaškog saveza Republike Srpske, i 2 delegata iz Košarkaškog saveza Zenica, Košarkaškog saveza Kantona Sarajevo, Regionalnog košarkaškog saveza Tuzla.

Član 36.

Za pripremu prijedloga i stručnu obradu pojedinih pitanja iz svoje nadležnosti, Upravni odbor ima stalna i povremena stručna tijela u svome radu.

Stalna tijela Saveza su:

- Stručni savjet,
- Međunarodna komisija
- Sudijska komisija,
- Takmičarsku komisiju
- Komesara takmičenja
- Trenerska komisija
- Arbitražna komisija,
- Disciplinski sud
- Zdravstvena komisija

Upravni odbor može imenovati i druga radna tijela i pojedince za realizaciju poslova i zadataka za koje se ukaže potreba.

Način rada i sastav radnih tijela iz prethodnog stava utvrđuje se odlukom Upravnog odbora.

3. Nadzorni odbor

Član 37.

Savez ima Nadzorni odbor koji prati zakonitost rada Saveza.

Nadzorni odbor ima tri člana, bira ga Skupština Saveza, na mandatni period od 4 (četiri) godine sa mogućnošću reizbora.

Članovi Nadzornog odbora ne mogu biti članovi Upravnog odbora Saveza.

Član 38.

Nadzorni odbor:

- vrši nadzor nad usklađenošću odluka i drugih akata Skupštine, Upravnog odbora i drugih organa i tijela sa Statutom Saveza,
- vrši nadzor nad sprovođenjem Statuta i drugih normativnih akata Saveza,
- vrši nadzor nad pribavljanjem, korištenjem i raspolaganjem materijalno-finansijskim sredstvima Saveza,
- ostvaruje uvid u finansijsko poslovanje, pregleda završni račun i daje svoje mišljenje,
- o svom radu podnosi izvještaj Skupštini najmanje jednom godišnje,
- Nadzorni odbor održava sjednice po potrebi, a obavezno jednom godišnje.

Član 39.

Sjednice Nadzornog odbora saziva predsjednik Nadzornog odbora po sopstvenoj ocjeni, na zahtjev predsjednika Saveza ili Upravnog odbora Saveza.

Nadzorni odbor radi u sjednicama i kvorum je natpolovična većina svih članova Nadzornog odbora, s tim da oba predstavnika ne mogu biti iz istog entiteta.

Kvorum Nadzornog odbora čini nadpolovična većina svih članova Nadzornog odbora.

Nadzorni odbor donosi odluke većinom glasova ukupnog broja članova Nadzornog odbora Saveza.

VI. BIRANA I IMENOVANA LICA



Član 40.

Birana i imenovana lica Saveza su:

1. Predsjednik i dva potpredsjednika Saveza,
2. Generalni sekretar

Član 41.

Savez ima predsjednika i dva potpredsjednika koje bira Skupština Saveza na mandat od 4 (četiri) godine, sa mogućnošću reizbora.

Predsjednik i oba potpredsjednika ne mogu biti birani i imenovani iz reda kandidata iz istog udruženog Potpredsjednici Saveza su istovremeno potpredsjednici Skupštine i Upravnog odbora.

Kandidate za predsjednika i potpredsjednike Saveza kandiduju članovi Saveza.

Član 42.

Predsjednik i potpredsjednici se rotiraju svakih 16 (šesnaest) mjeseci .

Predsjednik poslije 16 mjeseci provedenih na toj funkciji, postaje drugi potpredsjednik i završava mandat kao prvi potpredsjednik.

Prvi potpredsjednik poslije 16 mjeseci provedenih na toj funkciji, postaje predsjednik i završava mandat kao drugi potpredsjednik.

Drugi potpredsjednik poslije 16 mjeseci provedenih na toj funkciji, postaje prvi potpredsjednik i završava mandat kao predsjednik.

Član 43.

Predsjednik Saveza:

- zastupa i predstavlja Savez u pravnom prometu,
- saziva sjednice Upravnog odbora Saveza i predsjedava im,
- potpisuje opšta i druga akta koje donosi Upravni odbor,
- prati provođenje programa rada Saveza, kao i odluka i zaključaka Skupštine i Upravnog odbora Saveza,
- Obavlja i druge poslove koje mu povjeri Skupština i Upravni odbor.

Član 44.

U slučaju spriječenosti predsjednika Saveza, zamijenit će ga jedan od potpredsjednika u svim poslovima iz člana 43. kao i u poslovima zastupanja i predstavljanja Saveza u pravnom prometu.

Predsjednik i Potpredsjednici Saveza su za svoj rad odgovorni Skupštini Saveza.

Generalni sekretar

Član 45.

Savez ima Generalnog sekretara kojeg imenuje Skupština Saveza, na mandat od četiri godine, s mogućnošću reizbora.

Član 46.

Generalni sekretar obavlja slijedeće:

- Zastupa i predstavlja Savez,
- Stara se i preuzima mjere za realizaciju plana i programa Saveza kao i provođenje odluka Skupštine, Upravnog odbora i njihovih radnih tijela,
- Ostvaruje saradnju sa međunarodnom košarkaškom federacijom (FIBA) i sa članovima Saveza, državnim sportskim i drugim organizacijama;
- Brine o materijalno-finansijskim sredstvima Saveza i odgovoran je za njihovo zakonito i racionalno korištenje;
- Obavlja stručne poslove i rukovodi radom stručne službe;
- brine o realizaciji odluka i zaključaka Skupštine, Upravnog odbora i njihovih organa i tijela,
- Priprema sjednice Skupštine i Upravnog odbora, kao i njihovih radnih tijela;
- Obavještava javnost i sredstva informisanja o radu Saveza i njegovih organa,
- ovjerava i potpisuje takmičarske dokumente za Prvenstvo BiH, Završnicu KUP-a, u skladu sa propisima o registraciji i FIBA pravilima;
- Brine o odlaganju i čuvanju dokumentacije Saveza;
- Obavlja i druge poslove koji su mu stavljeni u obavezu od strane Skupštine, Upravnog odbora i predsjednika Saveza.

Član 47.

Generalni sekretar učestvuje u radu svih organa Saveza bez prava odlučivanja.

Generalni sekretar za svoj rad neposredno odgovara Skupštini Saveza.

Generalnog sekretara u slučaju spriječenosti zamjenjuje lice koje odredi Skupština Saveza.

Član 48.

Skupština može razriješiti dužnosti Generalnog sekretara prije isteka mandata ako utvrdi da ne izvršava zadatke i obaveze koje su mu povjerene ili ako se steknu neki drugi objektivni razlozi za takvu odluku.

VII. STRUČNA SLUŽBA SAVEZA

Član 49.

Stručne, administrativno-tehničke, materijalno-finansijske i pomoćne poslove Saveza obavlja Stručna služba Saveza.

Neke od navedenih poslova iz stava 1. ovog člana mogu obavljati lica ili organizacije izvan Saveza, što se reguliše posebnom odlukom Upravnog odbora.

Lica zaposlena u Stručnoj službi Saveza zasnivaju radni odnos u Savezu i ostvaruju svoja prava iz radnog odnosa u skladu sa Zakonom i opštim aktima Saveza.

VIII. PRAVILA ZA OSTVARIVANJE, KORIŠTENJE I RASPOLAGANJE SREDSTVIMA SAVEZA, KAO I ORGAN KOJI JE OVLAŠTEN ZA NADZOR NAD KORIŠTENJEM TIH SREDSTAVA

Član 50.

Sredstva Saveza su:

- novčana sredstva,
- nepokretna i pokretna imovina Saveza

Član 51.

Savez može ostvariti sredstva:

- iz državnih grantova i ugovora sa državom, javnim institucijama, domaćim i stranim fizičkim i pravnim licima,
- iz dobrovoljnih priloga i poklona javnih institucija, fizičkih i pravnih osoba, kako inostranih tako i domaćih, u gotovini, uslugama ili imovini bilo koje vrste,



- iz prihoda od kamata, dividendi, dobiti od kapitala, zakupnina, honorara i sličnih izvora pasivnog prihoda,
- od igara na sreću u skladu sa propisima,
- od udruženih članica,
- od članarina i kotizacija,
- iz prihoda stečenih kroz ostvarivanje ciljeva i aktivnosti Saveza, kako je određeno Statutom, kao i iz drugih izvora finansiranja u skladu sa propisima.
- iz prihoda stečenih aktivnostima sportske organizacije utvrđenih Statutom.

Član 52.

Obim, namjena i raspodjela finansijskih sredstava utvrđuje se finansijskim planom Saveza kojeg donosi Skupština, na prijedlog Upravnog odbora.

O upotrebi sredstava, u skladu sa finansijskim planom odlučuje Upravni odbor.

Sredstva Saveza se mogu upotrebljavati isključivo radi ostvarivanja ciljeva i djelatnosti Saveza.

Član 53.

Nadzor nad upotrebom i raspolaganjem sredstava Saveza vrši Nadzorni odbor Saveza.

Predsjednik Nadzornog odbora je dužan o pravilnosti i ispravnosti trošenja sredstava Saveza izvještavati Skupštinu Saveza najmanje jednom godišnje.

O svakoj uočenoj nepravilnosti u trošenju i raspolaganju sredstvima Nadzorni odbor je dužan odmah izvjestiti predsjednika Saveza koji će u roku od 15 dana sazvati i vanrednu Skupštinu.

IX. JAVNOST RADA

Član 54.

Rad Saveza zasniva se na načelima javnosti.

Saradnja sa medijima obavezna je za sve članove Saveza, organe i radna tijela.

Informisanje o aktivnostima Saveza ostvaruje se izdavanjem biltena, dostavljanjem informacija medijima, internetom, pisanim informacijama, izvještajima i saopštenjima.

Za javnost rada Saveza odgovoran je Upravni odbor.

X. POSTUPAK ZA IZMJENU I DOPUNU STATUTA, OVLAŠTENJE I NAČIN DONOŠENJA DRUGIH OPŠTIH AKATA

Član 55.

Inicijativu za izmjene i dopune Statuta Saveza može podnijeti najmanje jedna od članova saveza, Upravni odbor ili 1/3 članova Skupštine Saveza.

Inicijativa se podnosi Upravnom odboru pismenim putem i sa odgovarajućim obrazloženjem.

Utvrdeni prijedlog dostavlja se Skupštini, najmanje 30 dana prije održavanja sjednice Skupštine.

O izmjenama i dopunama odlučuje Skupština u skladu sa članom 30 stav 3. ovog Statuta.

Skupština i drugi organi Saveza, svaki iz svoje nadležnosti, mogu donositi opšte ili pojedinačne akte, koja se odnose na njihov rad, u skladu sa Zakonom i ovim statutom, kao što su pravilnici, poslovnici, odluke, zaključci.

Akta iz prethodnog stava moraju biti u skladu sa zakonom i ovim statutom.

XI. PEČAT I ZNAK SAVEZA

Član 56.

Pečat Saveza je okruglog oblika, promjera 30mm, sa ispisanim tekstom na obodu: KOŠARKAŠKI SAVEZ BOSNE I HERCEGOVINE Sarajevo / КОШАРКАШКИ САВЕЗ БОСНЕ И ХЕРЦЕГОВИНЕ Сарајево. Tekst je ispisan latinicom i ćirilicom, a u sredini je znak Saveza.

Član 57.

Savez ima znak.



STATUT KOŠARKAŠKOG SAVEZA BIH

Znak Saveza je oblika izduženog pravougaonika, plavo žute boje. Sa lijeve strane je šest bijelih zvijezdica, a u sredini je silueta košarkaša u skoku. Ispod znaka je naziv KS BiH.

XII. ZASTUPANJE I PREDSTAVLJANJE SAVEZA

Član 58.

Savez zastupaju i predstavljaju predsjednik, dva potpredsjednika Saveza i generalni sekretar Saveza.

XIII. DRŽAVNE REPREZENTACIJE

Član 59.

Skupština Saveza, njeni organi i tijela su obavezni da vode brigu o reprezentativnim selekcijama BiH u svim kategorijama i stvaranju uslova u cilju postizanja što boljih rezultata.

Član 60.

Pravilnik o Državnim reprezentacijama BiH reguliše način izbora stručnih štabova reprezentativnih selekcija, poslove i zadatke izabраниh, kao i njihovu odgovornost za stručan i pravilan rad, te druga pitanja od interesa za uspješan rad reprezentativnih selekcija.

Pravilnik o Državnim reprezentacijama BiH donosi Upravni odbor Saveza.

XIV. DOPING KONTROLA

Član 61.

U cilju spriječavanja upotrebe nedozvoljenih sredstava Savez će, u skladu sa propisima FIBA, Agencijom za antidoping kontrolu BiH i odlukama Upravnog odbora Saveza, provoditi doping kontrolu na prvenstvenim i drugim takmičenjima u organizaciji Saveza ili nekog od udruženih saveza.

Član 62.

Savez dozvoljava FIBA i Agenciji za antidoping kontrolu BiH da provodi doping kontrolu izvan takmičenja na košarkašima članovima košarkaških organizacija udruženih u Savez

XV. USLOVI I POSTUPAK ZA PRIPAJANJE, RAZDVAJANJE, TRANSFORMACIJU ILI RASPUŠTANJE ODNOSNO PRESTANAK RADA SAVEZA

Član 63.

Savez se može spojiti, razdvojiti ili transformisati u drugo udruženje ili fondaciju u skladu sa Zakonom i ovim statutom.

Odluku o statusnoj promjeni iz prethodnog stava donosi Skupština dvotrećinskom većinom svih članova Skupštine Saveza.

Odlukom iz prethodnog stava će se naročito regulisati naziv i sjedište, djelatnost, podjela imovine, prava i obaveze, kao i druga pitanja koja se odnose na statusnu promjenu Saveza.

Član 64.

Savez prestaje sa radom dobrovoljno ili po sili Zakona.

Incijativu za dobrovoljni prestanak rada Saveza može dati jedan od udruženih članova, Upravni odbor ili 1/3 članova Skupštine Saveza u slučaju ako je :

- proteklo dvostruko više vremena od vremena utvrđenog Statutom za održavanje Skupštine, a Skupština nije održana;
- ako se broj udruženih osnivača smanji ispod Zakonom dozvoljenog.

Odluku o dobrovoljnom prestanku donosi Skupština 2/3 većinom svih članova Skupštine Saveza.

Član 65.

Savez prestaje sa radom po sili Zakona u skladu sa članom 50 i 51. Zakona.

Savez je dužan svaku statusnu promjenu prijaviti nadležnom ministarstvu u roku utvrđenom u Zakonu.

XVI. POSTUPAK ZA RASPOLAGANJE PREOSTALOM IMOVINOM ILI DRUGIM SREDSTVIMA U SLUČAJU RASPUŠTANJA ILI PRESTANKA RADA SAVEZA



Član 66.

U slučaju donošenja odluke o prestanku rada Saveza, Skupština Saveza donosi plan likvidacije Saveza, kojim se utvrđuje raspored imovine, prava i obaveza Saveza.

Skupština donosi odluku o imenovanju likvidatora čija je dužnost da se stara o izvršenju plana likvidacije i ovlaštenje da zastupa Savez u postupku likvidacije i u postupku podnošenja zahtjeva za prijavu prestanka rada Saveza nadležnim organima.

Imovina kod raspuštanja i prestanka rada Saveza, nakon izmirenja zakonskih obaveza, dodijelit će se nekom drugom udruženju koje obavlja iste ili slične statutarne djelatnosti, koje je imao Savez, o čemu odluku donosi Skupština.

XVII. PRELAZNE I ZAVRŠNE ODREDBE

Član 67.

Savez je organizovan u skladu sa ovim statutom

Član 68.

Svi opšti i sprovedbeni akti Saveza uskladiće se sa Statutom, najkasnije u roku od 6 (šest) mjeseci od dana stupanja na snagu ovog Statuta.

Član 69.

Tumačenje odredbi ovog statuta daje Skupština Saveza.

Član 70.

Statut stupa na snagu danom donošenja, a primjenjivat će se od upisa Saveza u Registar udruženja kod nadležnog ministarstva.

Sarajevo, 27.03. 2009. godine

Broj: 02/09

Predsjednik Skupštine

Nikica Petrović